

Üna survista da nossas reglas (valablas davent dals 1. marz 2022)

Chara cliantella

Nossa butia spordscha büschmainta, s-charpas e giovarets da seguond man da buna qualità. Per cha quai resta eir uschea, vain no dabsögn da vos agüd.

Manar per plaschair be:

- büschmainta per uffants e giuvenils (mats e mattas) fin grondezza 176
- büschmainta per duonnas fin grondezza L (40/42)
- büschmainta per mammas futuras fin grondezza L (40/42)
- s-charpas in tuot las grondezzas, ma chi s'afan per uffants e giuvenils

Per büschmainta e s-charpas vaglia:

- lavà (schi fa dabsögn fat oura cul fier), nettiar soulas da s-charpas e valcrötschs, in uorden, actual, sainza fouras e fleccas, na sfilappà, sainza pezzas

No acceptain eir in avegnir ma cun tschertas limitaziuns:

- Skis alpin, skis da passlung e snowboards be amo per uffants fin ca. 10 ons (skis alpin e skis da passlung fin 130cm, snowboards fin 120cm / s-charpas da skis/passlung/snowboard fin gr. 38).
- Gös da cumpagnia complets e cumbinellas in imballascha originala intacta
- Cudeschs, DC's e DVD's be per uffants
- Giovarets da qualità (p.ex. da lain, Lego, Playmobil)

Quists artichels vegnan controllats cur chi vegnan manats in butia.

No nu piglian plü incunter:

- Ogets gronds (p.ex. mobiglia, charozzas, buschas per portar uffants, saivinas per uffants pitschens, velos, sezzins da velos)
- Süaintamans e mantels da bogh
- Roba da let (excepziun: sachs da dormir per poppins e cuvertas Zewi)
- Artichels da hockey (excepziun: pattins e bastuns da hockey)
- Bes-chinas da plüsch

Manar la roba tenor stagiun:

- dūrant ils mais da marz, avrigl, mai e gūn pigliain no incunter be roba da stà
- dūrant ils mais da settember, october, november e december pigliain no incunter be roba d'inviern

In schner/favrer e lügl/avuost nu pigliain no incunter ingüna roba.

Annualmaing vegn inchaschè da mincha clianta chi'ns maina roba üna „contribuziun solidarica“. L'import vain inchaschè al lö e contant cur chi vegn dat giò la prüma jada roba dūrant l'on.

Grazcha fich per l'inclletta!